

Klub zastupnika BOSS-a

SKUPŠTINA KANTONA SARAJEVO

Predsjedavajuća

Sarajevo 24. 04. 2018.

POKRECEM Inicijativa pod imenom „Za život sa manje boli“, u cilju nabavke senzora za bezbolno i kontinuirano mjerenje nivoa šećera u krvi za djecu i odrasle oboljele od dijabetesa

Obrazloženje

Na Svjetski dan zdravlja pokrenuta je inicijativa „Za život sa manje boli“, prema nadležnim ministarstvima zdravstva i zavodima zdravstvenog osiguranja, kako bi djeca i odrasle osobe oboljele od dijabetesa dobile pravo na nabavku uređaja za bezbolno i kontinuirano mjerenje šećera u krvi. Time bi se spriječile i smanjile posljedice i komplikacije koje ova bolest sa sobom nosi, kao što su sljepilo, amputacije ekstremiteta i dijaliza.

Mjerenje nivoa šećera u krvi kod oboljelih od dijabetesa u BiH vrši se putem trakica i takvo mjerenje iziskuje 10 do 15 uboda dnevno, uključujući intenzivnu insulinsku terapiju, što iznosi oko 5400 uboda godišnje. Ako se uzme u obzir da od dijabetesa oboljevaju tek rođene bebe i djeca, onda nije teško ni zamisliti šta tim malim rukicama znači svakodnevno bockanje i mjerenje šećera u krvi i u kakvom stanju se nalaze prstići oboljele djece.

Rješenje problema je u realizaciji inicijative za nabavku uređaja za bezbolno i kontinuirano mjerenje nivoa šećera u krvi, koji je u svijetu dostupan preko 20 godina, a koji podrazumijeva nabavku senzora i čitača za očitavanje vrijednosti. Cijena ovih uređaja je 120 KM za jedan senzor koji traje 14 dana, odnosno 240 KM za mjesec dana. Takav senzor omogućava kontinuirano mjerenje neograničeno puta u toku dana, što eliminiše stalno bockanje i bol, a ujedno obezbjeđuje dobro regulisanje bolesti i sprečavanje neželjenih komplikacija.

Roditelji su prinuđeni da nabavljaju senzore vlastitim sredstvima, što je vrlo skupo, posebno jer je dijabetes bolest koja zahtijeva poseban režim ishrane i života, stoga je neophodno da se što prije usvoji i realizuje inicijativa.

Shodno navedenom predlaže se sljedeće:

Skupština KS traži da Agencija za lijekove i medicinska sredstva BiH odmah izvrši upis u Registar lijekova potrebni senzor i čitač, a Zavod zdravstvenog osiguranja Federacije BiH treba sredstva za sufinansiranje trakica usmjeriti za nabavku navedenih aparata, uz osiguranje dodatnih sredstava za bezbjedjenje potrebnog broja aparata.

Skupština KS upućuje poziv svim nosiocima izvršne i zakonodavne vlasti na svim nivoima u BiH i svim političkim predstavnicima da svako iz svoje ovlasti poduzme sve što je potrebno kako bi se što prije obezbijedila nabavka senzora i život bez boli djeci i svim dijabetičarima u državi.

Pored navedenog problema djeca i odrasli oboljeli od dijabetesa susreću se i sa sljedećim problemima:

1. Hipoglikemija, koja nastaje kada nivo šećera u krvi (glukoze) padne prenisko. Postoji nekoliko razloga zašto se to može dogoditi, a najčešće je nuspojava lijekova koji se koriste za liječenje dijabetesa.

Hipoglikemija je posebno opasna za mozak, budući da mozak ima jako ograničenu sposobnosti korištenja drugih izvora energije osim glukoze.

Ako dijete ne jede nekoliko sati, razina šećera u krvi pada, te drugi hormon gušterače, glukagon, signalizira jetri oslobađanje glukoze natrag u krvotok. Tako se održava normalna razina šećera u krvi do sljedećeg obroka.

Tretman je za svako dijete individualan, ovisno o tome što su nalazi pokazali. Teži oblik hipoglikemije može dovesti do mentalne retardacije ili zatajenja srca i smrti djeteta stoga je vrlo bitno pravovremeno dijagnosticirati i kontrolirati hipoglikemiju kod djece.

Kod djece u besvjesnom stanju jedini način pomoći je davanje INJEKCIJE GLUKAGONA koja je sa esencijalne liste prebačena na bolničku listu zbog čega su roditelji prinuđeni da injekcije glukagona kupuju. Jedna injekcija glukagona košta u prosjeku oko 40 KM.

Roditelji koji nisu u stanju da kupe injekcije snalaze se putem donacija a najčešće nam injekcije glukagona doniraju roditelji iz Republike Srpske gdje se glukagon nalazi na esencijalnoj listi I djeca ga dobijaju redovno.

SVAKI RODITELJ SA DJETETOM KOJE BOLUJE OD DIJABETESA MORA UVIJEK IMATI PRI RUCI INJEKCIJU GLUKAGONA JER HIPOGLIKEMIJE DOLAZE IZNENADA I BEZ IKAKVE NAJAVE.

2. Inzulinska terapija – na esencijalnoj listi Zavoda zdravstvenog osiguranja KS trebaju da se nalaze svi inzulini, kako ne bi roditelji bili prinuđeni da iste doplaćuju ili kupuju, posebno kad je riječ o inzulinu Tresiba veliki su troškovi nabavke a radi se o dugodjelujućem inzulinu. Cijena Tresibe kreće se oko 160 KM a u Republici Srpskoj i u još nekim kantonima Federacije ovaj insulin se nalazi na esencijalnoj listi

NIGDJE U FEDERACIJI DJECA SA 15 GODINA NE PRELAZE NA KLINIKU ZA ODRASLE, SVUDA JE TO SA 18 GODINA.

UKC TUZLA JE JEDINI IZUZETAK GDJE SA 15 GODINA DJECA NEMAJU PRAVO LIJEČENJA NA PEDIJATRIJI (Zakonom o socijalnoj zaštiti propisano je jasno do koje godine je dijete dijete).

4. Djeca sa dijabetesom u momentu otkrivanja bolesti od strane Instituta za medicinsko vještačenje proglašavaju se 100% invalidima. Sa navršenih 15 godina procenat invaliditeta im se smanjuje bez obzira što je dijabetes neizlječiva bolest i što sa godinama dolazi do komplikacija. Ovo smanjenje vrši se iz razloga što se time rasterećuje budžet i djeci oduzima pravo na tuđu njegu i pomoć koja je svakako minimalna i iznosi 240 KM.

Shodno navedenom neophodno je obezbijediti slijedeće:

- Finansijska sredstva za nabavku senzora za kontinuirano mjerenje šećera u krvi što iznosi 240,00 KM mjesečno (do rješavanja procedure registracije uređaja u BiH poželjno obezbijediti sredstva iz Budžeta Grada)
- Injekcije glukagona vratiti na esencijalnu listu
- Obezbijediti sve vrste inzulina bez naknade na esencijalnoj listi (bez doplaćivanja)
- Obezbijediti dovoljan broj obučanih ljekara na Klinici za pedijatriju i Klinici za interne bolesti
- Obezbijediti djeci podjednako pravo na inzulinske pumpe (više ovlaštenih ljekara koji odlučuju)
- Vratiti djeci sa navršenih petnaest godina života pravo na tuđu njegu i pomoć jer ni jedno dijete sa dijabetesom nije u stanju da samostalno vodi brigu o svom životu (u momentu teške hipoglikemije biti sam znači sigurnu smrt)

PREDLAŽEMO USVAJANJE SLJEDEĆIH ZAKLJUČAKA:

- Skupština KS sugeriše Agenciji za lijekove i medicinska sredstva BiH da se sensor za kontinuirano mjerenje glukoze u krvi koji detektuje i signalizira previsoke ili preniske vrijednosti šećera u krvi FREE STYLE LIBRE (ABBOT) ili drugi odgovarajući uređaj (DEXCOM) i čitač za očitavanje vrijednosti uvrste u odgovarajući Registar lijekova odnosno Registar medicinskih sredstava koja imaju dozvolu za stavljanje u promet u Bosni i Hercegovini, imajući u vidu činjenicu da u većini evropskih zemalja zdravstveno osiguranje pokriva nabavku ovog uređaja.
- Skupština KS sugeriše Zavodu zdravstvenog osiguranja i reosiguranja FBiH da se razmotri mogućnost da se sredstva za sufinansiranje trakica za kontrolu šećera preusmjere za nabavku senzora za bezbolno i kontinuirano mjerenje glukoze odnosno nivoa šećera u krvi i čitača za očitavanje vrijednosti.
- Skupština KS upućuje apel nosiocima izvršne i zakonodavne vlasti na svim nivoima u Bosni i Hercegovini i predstavnicima političkih stranaka koje participiraju u organima vlasti da poduzmu, u okviru svojih nadležnosti i

ovlaštenje i u skladu sa važećim zakonskim propisima, sve što je porebno kako bi se što prije obezbjedila nabavka senzora oboljelim od dijabetesa.

- Skupština KS traži od Premijera i nadležnog ministarstva da razmotre zakonske, finansijske i druge mogućnosti da se sredstva za nabavku senzora za bezbolno i kontinuirano mjerenje nivoa šećera u krvi i čitača za očitavanje vrijednosti za oboljele od dijabetesa na području KS, u periodu do rješavanja procedure registracije ovog uređaja u Bosni i Hercegovini, pokušaju obezbjediti u Budžetu KS.

- Skupština KS sugeriše Ministarstvu zdravstva KS, Zavodu zdravstvenog osiguranja KS i Komisiji za lijekove pri Ministarstvu zdravstva KS da se što prije pokrenu aktivnosti u cilju vraćanja injekcija glukagona sa bolničke na Pozitivnu listu lijekova KS, ukoliko to nije u praksi, a koje finansira Zavod zdravstvenog osiguranja KS (Esencijalnu listu) kao i da se na Pozitivnoj listi obezbjede sve vrste inzulina, bez naknade s obzirom da se na istoj nalaze samo neke vrste inzulina, zbog čega su roditelji prinuđeni da ih doplaćuju ili vlastitim sredstvima kupuju.

- Skupština KS sugeriše Zavodu zdravstvenoj osiguranja KS i menadžmentu JZU da se na Klinici za dječije bolesti i na Klinici za interne bolesti obezbjedi dovoljan broj ljekara obučenih za postavljanje i praćenje rada inzulinske pumpe kao i da se razmotri mogućnost da se za svu djecu oboljelu od dijabetesa obezbjedi jednako pravo na inzulinsku pumpu koja velikom broju oboljele djece predstavlja jedini način normalne regulacije nivoa šećera u krvi.

- Skupština KS traži od svih na koje se odnose zaključci u vezi sa Inicijativom, da dostave Skupštini KS informaciju o mogućnostima, načinu i dinamici realizacije zaključaka, naročito kada su u pitanju zaključci koji se odnose na registraciju i nabavku senzora za kontinuirano mjerenje glukoze u krvi.

- Skupština KS upućuje inicijativu svim izvršnim i zakonodavnim organima da se prijedlozi zaključaka Skupštine KS koji se odnose na kantonalne organe primjenju i u drugim kantonima i općinama u Federaciji BiH i u cijeloj Bosni i Hercegovini.

- Skupština KS će i ubuduće pratiti realizaciju ovih zaključaka te će, u tom cilju, pokrenuti određene aktivnosti (traženje informacija o realizaciji Inicijative, urgiranje realizacije zaključaka, uvrštavanje u dnevni red informacije o realizaciji usvojenih zaključaka i dr.)

Klub zastupnika BOSS-a
Bi Ham